



02. maj 2011

Inatsisartut suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisut apeqqutit:

- 1. Arctic Prime Fisheries "HAKI" Savalimmiormiunnarnit pigineqalersimasooq Inatsisartut suut naapertorlugit ukioq manna nunatta imartaani aalisagartassinneqarpa?**
- 2. Aamma allanik nunatta avataani inissisimasunik aalisagartassiisoqarsimanerluni?**
- 3. Ukioq manna aalisartortatsinnut saarullittassat nunguppata aalisartut pisasseqqinneqarsinnaanerat naatsorsuutigineqassanerluni?**

(Inatsisartuni ilaasortaq, Ruth Heilmann Siumut)

Tunngavilersuut:

Nunatta imartaani aalisartunut saarullittassiissutit ukioq manna aamma ikittuaraannaapput, qularineqartariaqanngilarlu pisassiissutigineqartut piffissaq sivisunngitsoq aalisarneqarlutik tamakkerneqarumaarnissaat, ajuusaarnassaaq nungupallanneqarnerimi kinguneqassaaq aalisartortatta suliassarunneranik, naluneqanngilarmi nunatta imartaani saarulliit ukiuni kingullerni anginerulerlutillu amerlanerujartuinnarnerat kikkut tamarnik aalisarnermik ingerlataqartut oqaluuseralugillu ilisimalermassuk.

Taamatutaaq Aalisarnermut Naalakkersuisup oqaatigisarmagu nunanit allanit aningaasalikkat aalisagartassinneqarsinnaanerat kissaatiginagu.

Nalunngisarpullu imaappoq Arctic Prime Fisheries "HAKI" Savalimmiormiunit aningaasaliigaasoq aammalu kalaallinik ingerlanneeruttoq ukioq manna aamma aalisagartassinneqarsimammat.

Nunatsinni aalisartortatta aningaasarsiorluarnissartik pisariaqartippaat, akiligassatik akilerumallugit soorluttaaq angallatiminnik nutarsaanissaminnut akissaqarumallutik pisassatik tamakkiisut pisariaqartikkaat.